

【國家社會科學基金重大項目】

何建明 主編

中國地方志
佛道教文獻匯纂

寺觀卷

(76)



國家圖書館出版社

【國家社會科學基金重大項目（11&ZD119）】
中國人民大學佛教與宗教學理論研究所

何建明 主編

中國地方志
佛道教文獻匯纂

寺觀卷

（76）



國家圖書館出版社

中國地方志佛道教文獻匯纂·寺觀卷



江蘇省 揚州市

甘泉縣志

清·吳鶚峙等修 厲鶚等纂

清乾隆八年（一七四三）刻


嘉慶十五年（一八一〇）重印本





甘泉縣志

守





甘泉縣志卷第十

甘泉縣知縣吳鄂時張宏

泰同纂定

寺觀志

天寧禪寺在新城拱辰門外寶祚志爲報恩光孝禪寺
唐則天證聖元年建名證聖寺卅傳柳毅舍宅爲寺寺
有柳長者像僖宗廣明二年改正勝寺宋大中祥符五
年改興教院政和二年從蔡卞請以院爲天寧萬壽寺
紹興十三年詔天下並立報恩光孝寺奉徽宗香火寺
收額焉鄭興裔趙師異賈似道先後修葺之又傳晉時
爲謝安別墅義熙十四年有梵僧佛駄跋陀羅尊者譯

華嚴經於此池中兩青衣童子旦出爲尊者灑掃焚香
迨暮候其收經卷而去日復如是時右衛將軍褚叔度
特往建業請于謝司空琰求太傅別墅建寺號廣陵福
地又華嚴經序云尊者于謝司空寺別造履淨華嚴堂
譯經因改寺爲興嚴寺明洪武十五年開設僧綱司都
綱道葵重建正統天順成化嘉靖間相繼修宋孚禪師
在寺聞鼓角聲悟道作頌云三十年前未遇時一聲畫
角一聲悲如今枕底無閒夢大小梅花一任吹

萬曆
都志

國朝

康熙二十三年至四十六年

六次臨幸

蕭閒靜因皓月禪心寄懷蘭竹般若妙源五額禪心
水月法鼓聚魚龍及珠林春日永碧淑好風多二聯
五言詩一幅下長江詩一幅山中晚霽詩一幅五言六
韻詩一幅臨米芾書

手卷一軸詩扇二柄

佛像經典有金佛一尊若心經寶塔金剛尊經寶塔
泥金楷書心經石刻心經倣顏魯公多寶塔金字心經
臨董其昌書金剛尊經藥師經

書籍有

詩淵鑒齋法帖康熙字典

寺
珍物有供佛萬壽爐一座瑤瓊瓶二枝石硯三水中丞

二紫金袈裟一領琥珀念珠一串又

幸天寧寺詩一首空濛爲洗竹風過惜殘梅鳥語當堦
樹雲行動早雷晨鐘接豹尾僧舍踏芳埃更覺清心賞
塵襟笑口開五十七年熱河

憶天寧寺大竹詩一首久別金焦十一年依稀寒暑遞
相遷此君有意虛心待歎我無能白髮聯鴈過西風何
處問雲回北地竟誰宣翠筠晚節饒蒼籜遠寄宸章似
座前

雍正府志

仁皇帝天寧寺詩小艇沿流畫槳輕鹿園鐘磬有餘
門前一帶邦溝水脈脈常含萬古情

十一年

示 憲皇帝命賜紫衣僧明彰出主本寺當

御製一物頂一軸 御選語錄二部共四套 心賦一册

紫衣四襲 碧玻璃鉢一口 拂子一柄 如意一執

十二年

數摘要一本 翻譯要略一本

書御製詩扇一柄

十三年

製御書聖訓一卷

乾隆四年

甘肅縣志

卷之十一 寺觀

欽定梵典金藏通共七千九百五十七卷頒寺該住持
僧明彰承

遠供奉

寺西杏園內枝上村文思房有銀杏二株大數圍高百
三十餘尺廣蔭數畝相傳晉謝太傅別墅在此此其園
中舊物也雍正間太史徐葆光爲之題曰晉樹亭

法雲寺在府城大東門外運司前晉寧康三年謝安領
揚州刺史建宅于此後安遷太保太元十年復鎮廣陵
移居新城其姑謝氏就于本宅爲尼建寺名法雲安

植雙桂宋時尚存

嘉靖江都志

寺後廢爲呂吉甫宅建隆元年更建爲尼寺有藏經

釋迦院 寶祐志

揚州呂吉甫觀文宅乃晉鎮西將軍謝仁祖宅也在唐爲法雲寺有雙檣存焉猶當時物也劉禹錫有詩云雙檣蒼然古貌奇含烟吐霧鬱參差晚依禪舍當金殿初對將軍映畫旗龍象界中成寶蓋鴛鴦瓦上出高枝長明燈是前朝焰曾照青青年少時吉甫家居時檣尚依然建炎兵火樹遂亡 墨莊漫錄

按十國春秋光啟三年冬十一月壬寅楊行密勒令海陵鎮遏使高霸帥兵民入廣陵有

違命者族之戊戌霸與弟駐及部將余繞山
前常州刺史丁從寔至揚州行密郊迎霸駐
約爲兄弟置其將卒于法雲寺已而用袁襲
言閏月己酉竊軍伏甲擒霸繞山從實殺之
并擒殺其黨于寺死者數千人是日大雪寺
外地數里皆赤觀此則當日基趾恢廓可知
墨莊漫錄固謂爲呂吉甫宅與寶祐志同第
諸志皆謂謝安宅雙檜宋時猶存先哲之遺
蹟誠不可泯歟

旌忠教寺

在府治東南相傳爲梁昭明太子文選